



Broj: 08-02-07/2-11-2-785-20/26

Dana: 5.6.2026. godine

Na osnovu člana 70. stav (1), (3) i (6), u vezi sa članom 25. i 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku iz Zapisnika o pregledu i ocjeni ponuda broj: 08-02-07/2-11-2-785-19/26 od 3.6.2026. godine, u postupku javne nabavke "LOT 1: Nabavka računara i druge računarske opreme", policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača MOON d.o.o. Zenica
za "LOT 1: Nabavka računara i druge računarske opreme"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-02-07/2-11-2-785-19/26 od 3.6.2026. godine i ugovor za "LOT 1: Nabavka računara i druge računarske opreme", dodjeljuje se ponuđaču MOON d.o.o. Zenica, sa ponudom broj: 08-02-07/2-11-2-785-10/26 od 27.4.2026. godine i ponuđenom cijenom u iznosu od 255.700,00 KM bez PDV-a u koju je uračunat popust ostvaren na e-Aukciji u iznosu od 0,12%.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 1 (jedna) obična kopija dostavljene dokumentacije iz stava II (ukoliko ponuđač ne dostavi 1 kopiju ponude, njegova ponuda se neće označiti neprihvatljivom).

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-785-1/26 od 5.3.2026. godine.

Javna nabavka provedena je putem otvorenog postupka nabavke.

Procijenjena vrijednost nabavke za LOT 1 iznosila je 256.410,00 KM bez PDV-a.

Obavještenje o nabavci broj: 30099-1-1-14-3-34/26, poslano je na objavu dana 9.3.2026.g. u 10,49 sati, a sažetak istog objavljen je dana 13.3.2026. godine u "Službenom glasniku BiH", broj: 20/26.

Komisija za javnu nabavku imenovana je Rješenjem broj: 08-02-07/2-11-2-785-3/26 od 9.3.2026. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-785-11/26 od 27.4.2026. godine, Zapisnik sa otvaranja ponuda broj: 08-02-07/2-11-2-785-11/26 od 27.4.2026. godine, i Zapisnik o pregledu i ocjeni ponuda broj: 08-02-07/2-11-2-785-19/26 od 3.6.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da se do roka određenog za dostavljanje ponuda, 5 (pet) ponuđača prijavilo na predmetno javno nadmetanje, i to ponuđači: EMADO d.o.o. Sarajevo, KING d.o.o. Doboje, IMTEC d.o.o. Sarajevo, INTER-COM d.o.o. Zenica i MOON d.o.o. Zenica,

- pri pregledu i ocjeni ponuda za LOT 1: Nabavka računara i druge računarske opreme, ustanovljeno je da postoji potreba da ponuđači: „EMADO“ d.o.o. Sarajevo, „KING“ d.o.o. Doboje, „INTER-COM“ d.o.o. Zenica i „MOON“ d.o.o. Zenica, shodno odredbi člana 68. stav 3. Zakona o javnim nabavkama Bosne i Hercegovine, pojasne prospekte-kataloge tražene tačkom 13.2 Tenderske dokumentacije, iz kojih je vidljivo da ponuđena roba ispunjava uslove iz tenderske dokumentacije, odnosno koji je konkretno tip, vrsta i marka robe predmet ponude. Navedeni ponuđači su kao dokaz da laserski printer, skener, fax i kopir iz pozicije 14. Aneksa II ispunjava tražene uvjete dostavili tehnički list koji se odnosi na kompaktni višefunkcijski uređaj Canon, serije i-SENSYS MF460 II. Budući da predmetni tehnički list sadrži karakteristike i informacije više modela unutar navedene serije, traženo je pojašnjenje u smislu konkretnog modela koji je predmet ponude. Svi ponuđači su u svojim blagovremeno dostavljenim pojašnjenjima odredili konkretan model ponuđenog uređaja: Canon i-SENSYS MF465dw II, za koji je utvrđeno da ispunjava uslove iz tenderske dokumentacije.

- da ponude svih prijavljenih ponuđača, ispunjavaju sve zahtjeve ugovornog organa u formalno-pravnom, ekonomskom i tehničkom smislu, tj. da su iste za ugovorni organ prihvatljive,

Dana 29.5.2026. godine sa početkom u 9,30h, započeta je e-Aukcija između gore pomenutih, prihvatljivih ponuda.

Početna rang lista ponuđača koji su pozvani da učestvuju na e – Aukciji:

RB	Naziv ponuđača	Početna cijena u KM bez PDV-a	Rang
1.	EMADO d.o.o. Sarajevo	256.000,00	1
2.	INTER-COM d.o.o. Zenica i	256.000,00	1
3.	MOON d.o.o. Zenica	256.000,00	1
4.	IMTEC d.o.o. Sarajevo	256.400,00	2
5.	KING d.o.o. Doboj	256.408,66	3

Aukcija je okončana dana 29.5.2025.g. u 9,40h.

Konačna rang lista ponuđača koji su učestvovali na e-Aukciji, kako slijedi:

RB	Naziv ponuđača	Konačna cijena u KM bez PDV-a	Umanjenje cijene	Rang
1.	MOON d.o.o. Zenica	255.700,00	0,12%	1
2.	INTER-COM d.o.o. Zenica	255.730,00	0,11%	2
3.	EMADO d.o.o. Sarajevo	256.000,00	0%	3
4.	IMTEC d.o.o. Sarajevo	256.400,00	0%	4
5.	KING d.o.o. Doboj	256.408,66	0%	5

Slijedom navedenog izvršeno je rangiranje prihvatljivih ponuda prema kriterijumu za izbor ponude:

LOT 1

Naziv ponuđača	Početna cijena ponude u KM bez PDV-a	Popust	Početna cijena ponude u KM bez PDV-a, sa popustom, prije e-aukcije	Konačna cijena ponude u KM bez PDV-a, sa popustom, nakon e-aukcije	Rang
EMADO d.o.o. Sarajevo	256.000,00 KM	Ne	256.000,00 KM	256.000,00 KM	3
KING d.o.o. Doboj	256.408,66 KM	Ne	256.408,66 KM	256.408,66 KM	5
IMTEC d.o.o. Sarajevo	256.400,00 KM	Ne	256.400,00 KM	256.400,00 KM	4
INTER-COM d.o.o. Zenica	256.000,00 KM	Ne	256.000,00 KM	255.730,00 KM	2
MOON d.o.o. Zenica	256.000,00 KM	Ne	256.000,00 KM	255.700,00 KM	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač MOON d.o.o. Zenica odabran je na osnovu ponuđene cijene u iznosu od 255.700,00 KM bez PDV-a u koju je uračunat popust ostvaren na e-Aukciji u iznosu od 0,12%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.



DOSTAVLJENO:

1. Ponuđači, 1x-
2. Sektor za mat.-fin.poslove. 1x.-
3. Spis, 1x.-